



2017 йил "03" январь № 2

Farg'ona shahri

**Ўзбекистон Республикаси Президентининг
2016 йил 21 декабрдаги ПҚ-2688-сонли қарори
ижросини ташкил этиш ҳақида**

Ўзбекистон Республикасининг "Умумий ҳарбий мажбурият ва ҳарбий хизмат тўғрисида"ги Қонунига мувофиқ, Ўзбекистон Республикаси Президентининг 2016 йил 21 декабрдаги ПҚ-2688-сонли "Ўзбекистон Республикаси Қуролли Кучларига фуқароларни навбатдаги чақируви ҳамда муддатли ҳарбий хизматнинг белгиланган муддатларини ўтаб бўлган ҳарбий хизматчиларни хизматдан бўшатиш тўғрисида"ги қарори ижросини таъминлаш мақсадида,

Қ А Р О Р Қ И Л А М А Н:

1. Ўзбекистон Республикаси Президентининг 2016 йил 21 декабрдаги ПҚ-2688-сонли "Ўзбекистон Республикаси Қуролли Кучларига фуқароларни навбатдаги чақируви ҳамда муддатли ҳарбий хизматнинг белгиланган муддатларини ўтаб бўлган ҳарбий хизматчиларни хизматдан бўшатиш тўғрисида"ги қарори раҳбарлик ва ижро учун қабул қилинсин.

2. Вилоятда 1990-1999 йилларда туғилган, чақириқ кунигача 18 ёшга тўлган ҳамда чақириқ муддатини кечиктириш ҳуқуқига эга бўлмаган Ўзбекистон Республикаси фуқаролари 2017 йилнинг феврал-март ойларида муддатли ҳарбий хизматга чақирилсин.

Муддатли ҳарбий хизматни ўташга яроқли ҳамда чақирилиш муддатини кечиктириш ва чақирилишдан озод этиш ҳуқуқига эга бўлмаган, бироқ ушбу чақирув мобайнида Қуролли Кучлар сафига чақирилмайдиган шахслар сафарбарлик чақируви резервидаги хизмат сафига олинсин.

3. Вилоят чақирув комиссиясининг таркиби 1-иловага, 2017 йил чақируви давомида фуқароларни муддатли ҳарбий хизматга йиғиш ва жўнатиш, Ўзбекистон Республикаси Қуролли Кучлари сафидан резервга бўшатишган ҳарбий хизматчиларни яшаш жойларига қайтариб келиш бўйича амалга оширилиши лозим бўлган тадбирлар режаси 2-иловага мувофиқ тасдиқлансин.

4. Вилоят чақирув комиссияси (С.Қўчқоров), ҳудудий чақирув комиссиялари мазкур чақирув давомида Ўзбекистон Республикаси Вазирлар Маҳкамасининг 01.10.2009 йилдаги 265-сонли қарори билан тасдиқланган "Фуқароларни муддатли ҳарбий ва муқобил хизматларга чақириш, сафарбарлик чақируви резервидаги хизматга қабул қилиш бўйича чақирув комиссиялари тўғрисида"ги Низом талабларига қатъий риоя этилишини таъминласин.

5. Шаҳар ва туманлар ҳокимларига:

чақирув пунктларини 2017 йилги чақирувни сифатли ўтказишга тайёрлаш ҳамда чақирув давомида доимий равишда иссиқлик билан таъминланиш чора-тадбирларини кўриш;

шаҳар ва туманлар чақирув комиссияларининг самарали ишлашини ташкил қилиш, чақирилувчиларнинг сифатли ва ҳолисона тиббий кўриқдан ўтказилишини, уларнинг маънавий-руҳий фазилатлари ва интеллектуал ривожланиш савиясини аниқлашда қонунчиликда белгиланган танловнинг ҳарбий-касбий мезонларига қатъий мувофиқ равишда ўрганиб чиқирилишини ташкиллаш;

шаҳар, туманлар чақирув (йиғин) пунктларини зарур асбоб-ускуналар ва хўжалик буюмлари билан таъминлаш ҳамда чақирув давомида чақирилувчиларни вилоят йиғув пунктига олиб келиш ва олиб кетиш ҳамда резервга бўшатирилган ҳарбий хизматчиларни олиб кетиш учун автотранспорт воситалари билан таъминлаш;

фуқароларни муддатли ҳарбий хизматга чақирилишини, шунингдек резервга бўшатирилган ҳарбий хизматчиларни яшаш жойларига қайтарилишини ташкил қилиш вазифалари топширилсин.

6. "Водийгазтаъминот" УК (А.Эргашев), "Фарғона ҳудудий электр тармоқлари" АЖ (А.Абдуллаев), шаҳар ва туман ҳокимликларига 2017 йилги чақирув тадбирлари мавсуми давомида (2017 йилнинг 1 февралдан 30 мартга қадар) шаҳар ва туманлар чақирув пунктларида белгиланган иссиқлик ҳароратини меъёрий талабларига мувофиқ равишда узлуксиз табиий газ ва электр энергияси билан таъминлашнинг қўшимча чораларини кўриш;

табиий газдан узулиш бўлган ҳолларда, кўмир, ўтин, суюлтирилган газ (пропан) заҳираси билан таъминланиш ҳолатини қайтадан кўриб чиқиш ҳамда ўрнатилган тартибда ташкил этиш вазифалари юклатилсин.

7. Фарғона шаҳар ҳокимлиги (Ш.Эркабоев), вилоят Мудофаа ишлари (К.Бердиев), Маданият ва спорт ишлари (И.Жалилов) бошқармалари, "Ўзбекнаво" эстрада бирлашмаси вилоят бўлими (А.Султонов)га:

фуқароларни муддатли ҳарбий хизматга жўнатиш, муддатли ҳарбий хизматни ўтаган ҳарбий хизматчиларни кутиб олиш маросимларини кенг жамоатчилик, фаҳрийлар, маданият арбоблари, таниқли санъат усталари иштирокида тантанали равишда ўтказилишини таъминлаш;

мазкур тадбирлар муддатли ҳарбий хизматга чақирилувчилар ва хизматни ўтаб келган ёшлар, уларнинг ота-оналари ҳаётида унутилмас воқеа бўлиб қолишини таъминлаш чораларини кўриш вазифалари топширилсин.

8. Вилоят Меҳнат бош бошқармаси, шаҳар ва туманлар ҳокимларига:

Ўзбекистон Республикаси Қуроли Кучлари сафидан резервга бўшатирилган фуқароларни ишга жойлаштириш бўйича лозим чора-тадбирларни белгилаш;

муддатли ҳарбий хизматдан заҳирага бўшатирилган фуқароларни хизмат даврида эгаллаган ҳарбий ва фуқаролик мутахассисликларини ҳисобга олган ҳолда иш жойларини олдиндан тайёрлаб қўйилишини таъминлаш;

сафарбарлик чақируви резервидаги хизмат сафига олинган фуқаролар сонидан келиб чиққан ҳолда, уларни доимий иш билан таъминлаш учун янги иш ўринларини яратиш, шунингдек уларни бўш ва квоталанган иш ўринларига жойлаштириш чораларини кўриш вазифалари топширилсин.

Муддатли ҳарбий хизматдан резервга бўшатирилган ва сафарбарлик чақируви резерви хизмати сафига олинган фуқароларни тўлиқ иш билан

таъминлаш юзасидан масъулият Меҳнат бош бошқармаси ҳамда шаҳар ва туманлар ҳокимларининг зиммаларига юклатилсин.

9. Вилоят Соғлиқни сақлаш бошқармасига (О.Умаров):

чақирув давомида вилоят, шаҳар ва туманларда фаолият кўрсатадиган тиббиёт комиссиялари таркибига малакали шифокор ва тиббиёт ходимлари ажратиш;

тиббий кўрик комиссиялари таркибидаги ҳар бир шифокор ва тиббиёт ходимлари ўрнига зарур пайтда жалб қилиш учун захирадаги (резерв) шифокор ва тиббиёт ходимлари гуруҳини тузиш;

вилоят, шаҳар ва туман чақирув пунктларини зарур тиббий асбоб-анжомлар, дори-дармонлар, электрокардиограмма, УЗИ, ФГДС аппаратлари ва бошқа тиббиёт буюмлари билан етарли даражада таъминлаш;

чақирилувчиларнинг лаборатория текширувлари сифатли ўтказилишини таъминлаш ҳамда уларнинг турли ихтисосликдаги юқори малакали шифокорлар томонидан ҳар томонлама тиббий текшириб кўрилишини ташкил этиш;

чақирилувчиларни тиббий текширишни холислигини муқобил тиббий комиссияларнинг самарали ишлаши орқали таъминлаш вазифалари топширилсин.

10. Вилоят Мудофаа ишлари бошқармаси (К.Бердиев)га фуқароларни муддатли ҳарбий хизматга чақиришни Ўзбекистон Республикасининг "Умумий ҳарбий мажбурият ва ҳарбий хизмат тўғрисида"ги қонуни, шунингдек, Ўзбекистон Республикаси Ҳукуматининг мазкур соҳадаги қарорлари талаблари асосида ташкил этиш вазифаси юклатилсин.

11. Вилоят Ички ишлар бошқармаси (А.Султанов)га чақирилувчиларни муддатли ҳарбий хизматга кузатиш ҳамда хизматдан бўшатишган фуқароларни яшаш жойларига кузатиш ишларида жамоат тартибини сақлаш, хавфсизликни таъминлаш ва йўл ҳаракати хавфсизлигини сақлаш чораларини кўриш, чақирувни сифатли ўтказишда мудофаа ишлари бўлимларига ҳар томонлама ёрдам кўрсатишни ташкил этиш вазифаси юклатилсин.

12. "Ўзавтодарётранс" агентлиги вилоят бўлими (А.Умирзақов) чақирув давомида вилоят мудофаа ишлари бошқармаси томонидан берилган жадвал асосида муддатли ҳарбий хизматга юборилаётган ҳамда резервга бўшатишган ҳарбий хизматдан қайтаётган фуқароларни ташиш учун автотранспорт воситаларини ўз вақтида ажратилиши таъминлансин.

13. Вилоят Молия бошқармаси (А.Ортиқов)га Мудофаа ишлари бошқармаси (К.Бердиев) билан ҳамкорликда бир ҳафта муддатда:

Вилоят йиғув масканининг моддий техника базасини мустаҳкамлаш, ҳамда кўргазмаларни қуролларни тайёрлаш учун вилоят мудофаа ишлари бошқармасининг талабномасига асосан белгиланган тартибда зарурий маблағ ажратиш;

Ўзбекистон Республикаси Вазирлар Маҳкамасининг 2009 йил 14 январдаги 10-сонли Қарорининг 10-банди ва мазкур қарор билан тасдиқланган "Фуқароларни муддатли ҳарбий хизматга йиғиш ва жўнатиш, уларни ҳарбий қисмларда қабул қилиш, шунингдек Ўзбекистон Республикаси Қуролли Кучларидан резервга бўшатишган ҳарбий хизматчиларни яшаш жойларига қайтаришни ташкил этиш тизимини такомиллаштириш чора-тадбирлари тўғрисидаги Низом"нинг 9-бандига асосан муддатли ҳарбий хизматга кузатилаётган чақирилувчиларга байрам

тушлиги ҳамда эсталик совғаларини ташкил этиш учун асосли ҳисобларга мувофиқ маблағ ажратиш юзасидан аниқ таклиф киритиш вазифалари юклатилсин.

14. Вилоят ҳокимлиги “Фарғона ҳақиқати” ва “Ферганская правда” газеталари бирлашган таҳририятига, Фарғона вилоят телерадиокомпаниясига (Ж.Мамарасулов) вилоятда ёшларни муддатли ҳарбий хизматга чақиришнинг бориши, сафарбарлик чақируви резервидаги хизмат сафига олинган чақирилувчилар билан ишлаш жараёни, меҳнат жамоалари, олий ва ўрта махсус ўқув юртлари, ота-оналарнинг ҳарбий қисмлар билан алоқаларини кенг ёритиб бориш тавсия этилсин.

15. Фарғона шаҳар ҳокимлигига (Ш.Эркабоев) чақирув мавсуми даврида вилоят чақирув йиғув пунктига бириктирилган ҳудуд атрофида доимий тозаликни сақлаш ҳамда қиш мавсуми даврида йўлакларни қор ва музламалардан тозалаш учун тегишли идоралардан иборат ишчи гуруҳи ташкил этиб, фаолиятини йўлга қўйиш ҳамда кунлик йиғилган чиқиндиларни олиб чиқилишини назоратга олсин.

16. Ушбу қарорнинг бажарилишини назорат қилиб боришни ўз зиммамда қолдираман.

Вилоят ҳокими



Ш.Ғаниев ,

Вилоят ҳокимининг
2017 йил "03" 01 даги
2 -сонли қарорига
1-илова

Фарғона вилоят қақирув комиссиясининг

ТАРКИБИ

1. С.Б.Қўчқоров - вилоят ҳокимининг ўринбосари – комиссия раиси
2. К.Бердиев - вилоят мудофаа ишлари бошқармаси бошлиғи – комиссия раисининг ўринбосари
3. А.Усеинова - вилоят мудофаа ишлари бошқармаси тиббиёт пунктининг катта ҳамшираси-комиссия котиби

КОМИССИЯ АЪЗОЛАРИ

4. Х.Каримов - вилоят ҳокимлиги гуруҳ раҳбари
5. Ғ.Боборахимов - вилоят Ички ишлар бошқармаси бошлиғи ўринбосари
6. Б.Хамралиев - вилоят ИИБ ППХ ва ЖТСБ бошлиғи ўринбосари (ўриндош)
7. Б.Элчиев - вилоят "Маҳалла" ҳайрия жамоат фонди раиси
8. Ғ.Мелиқўзиева - вилоят "Маҳалла" ҳайрия жамоат фонди бўлим бошлиғи (ўриндош)
9. Т.Холдоров - "Нуроний" жамғармаси вилоят бўлими раиси
10. Ё.Тиллабоев - "Нуроний" жамғармаси вилоят бўлими бош мутахассиси (ўриндош)
11. Д.Ходжаева - вилоят ҳокимлиги котибият мудири
12. Ш.Полвонов - "Камолот" ёшлар ижтимоий ҳаракати вилоят Кенгаши раиси
13. Ф.Умаров - "Камолот" ёшлар ижтимоий ҳаракати вилоят Кенгаши бўлим бошлиғи (ўриндош)
14. И.Шокиров - Давлат тест Маркази вилоят бўлими бошлиғи
15. Т.Мусабоев - вилоят тиббиёт кўриги катта шифокори

Изоҳ: комиссия аъзолари бошқа ишга ўтганда ёки вазифасидан озод этилган тақдирда, унинг ўрнига тайинланган раҳбар, ходим комиссия таркибига киритилади.

2017 йил чақируви давомида фуқароларни муддатли ҳарбий хизматга йиғиш ва жўнатиш, Ўзбекистон Республикаси Қуроли Кучлари сафидан резервга бўшатишдан ҳарбий хизматчиларни яшаш жойларига қайтариб келиш бўйича амалга оширилиши лозим бўлган

ТАДБИРЛАР РЕЖАСИ

№	Бажариладиган тадбирлар	Ижро учун масъул	Муддати
1.	Чақирилувчиларни муддатли ҳарбий хизматга кузатиш ва Қуроли Кучлар сафидан резервга бўшатишдан ҳарбий хизматчиларни кутиб олиш тадбирлар вақти ҳақида тадбирлардан икки кун олдин тааллуқли масъул идораларига белгиланган тартибда маълум қилиш.	Вилоят мудофаа ишлари бошқармаси	Тадбирлардан икки кун аввал
2.	Чақирилувчиларни муддатли ҳарбий хизматга кузатиш учун вилоят йиғин пунктини тайёрлаш бўйича лозим тадбирларни ташкил этиш.	Вилоят мудофаа ишлари бошқармаси	Чақирув тадбирларига қадар
3.	Чақирилувчиларни муддатли ҳарбий хизматга кузатиш учун мудофаа ишлари бўлимлари томонидан белгиланган муддатда вилоят йиғиш пунктига ташкилий равишда олиб келинишини таъминлаш бўйича техник соз транспорт воситаси ва ҳаракат хавфсизлиги ходимлари ажратиш.	Шаҳар, туманлар ҳокимлари, вилоят ИИБ ЙҲХБ, вилоят мудофаа ишлари бошқармаси	Белгиланган муддатда график асосида
4.	Чақирилувчиларни белгиланган жойда кийимларини кийинтиришга олиб бориб келишларида йўл ҳаркати хавфсизлигини таъминлаш чораларини кўриш.	Вилоят мудофаа ишлари бошқармаси, ИИБ ЙҲХБ	Чақирув тадбирларига қадар
5.	Вилоят йиғув масканида чақирув давомида жамоат ва транспортлар тартибини сақлаш мақсадида куну-тун навбатчилик ташкил этиш.	Вилоят Ички ишлар бошқармаси	Белгиланган муддатда график асосида
6.	Шаҳар ва туманлардан чақирилувчилар ва келган фуқаролар билан суҳбат ўтказиб, уларнинг саволларига тўлалигича жавоб беришда ИИБ бўлимларига амалий ёрдам кўрсатиш мақсадида чақирув комиссиялари аъзоларидан ўриндош ларини ташкил этиш.	Вилоят, шаҳар ва туманлар чақирув комиссиялари, тегишли бошқарма ва ташкилотлар раҳбарлари	Чақирув давомида

7.	Вилоят йиғув масканига чақирув мавсуми давомида наватбачи автотранспорт ажратиш чораларини кўриш.	Фарғона шаҳар ҳокимлиги, МК "Ватанпарвар" ташкилоти вилоят бўлими	Чақирув давомида, белгиланган график асосида
8.	Чақирилувчиларни ҳарбий қисмларга юборишдан олдин кўздан кечириш, ҳарбий кийимлар билан таъминлаш, хавфсизлик чора-тадбирлари ва йўлда ўзини тутиш қоидалари бўйича йўриқномадан ўтказиш.	Вилоят мудофаа ишлари бошқармаси, шаҳар ва туманлар мудофаа ишлари бўлимлари бошлиқлари	Белгиланган муддатда график асосида
9.	Чақирилувчиларни кузатиш учун келган ота-оналарга муддатли ҳарбий хизматни ташкил этиш бўйича норматив-ҳуқуқий хужжатлар, муддатли ҳарбий хизматчиларнинг ҳуқуқлари, вазифалари ва имтиёзлари, муддатли ҳарбий хизматни ўташ хусусиятларини тушунтириш.	Вилоят мудофаа ишлари бошқармаси, жамоат ташкилотлари	Белгиланган муддатда график асосида
10.	Чақирилувчиларни муддатли ҳарбий хизматга жўнатиш бўйича тантанали кузатиш тадбирларини ташкил этиш. Тадбирларда: ҳарбий хизматчиларни муддатли ҳарбий хизматга жўнатишга бағишланган митинг ўтказиш; ҳарбий хизматга чақирилувчиларга эсдалик совғалари топшириш; чақирилувчилар, учун ижодий жамоалар ва бадий хаваскорлар концертини ташкил этиш; чақирилувчилар ўртасида ҳарбий ватанпарварлик руҳидаги суҳбатлар уюштириш; ҳарбий хизматга чақирилувчиларга байрамона тушлик дастурхонини тайёрлаш;	Фарғона шаҳар ҳокимлиги, вилоят Мудофаа ишлари бошқармаси, Маданият ва спорт ишлари бошқармаси, "Ўзбекнаво" эстрада бирлашмаси вилоят бўлими, "Маҳалла" ЖФ, "Нуруний" жамрағмаси ва бошқа масъул бошқармалар	Белгиланган муддатда график асосида
11.	Қуролли Кучлар сафидан резервга-бўшатишдан ҳарбий хизматчиларни кутиб олиш бўйича тантанали тадбирларини ташкил этиш. Тадбирларда: кутиб олишга бағишланган митинг ўтказиш; тадбирларда ҳарбий хизматчилар ота-оналарининг иштирокини таъминлаш; ҳарбий хизматчилар учун ижодий жамоалар ва бадий хаваскорлар концертини ташкил этиш; ҳарбий хизматчиларга ва уларнинг ота-оналарига уларнинг	Марғилон шаҳар ҳокимлиги, вилоят Мудофаа ишлари бошқармаси, шаҳар, туманлар ҳокимликлари, Маданият ва спорт ишлари бошқармаси, "Ўзбекнаво" эстрада бирлашмаси вилоят	Белгиланган муддатда график асосида

	<p>ишга жойлаштириш ва касбга ўқитиш юзасидан маълумот, тушунтириш ва эслатмалар бериш; ҳарбий хизматчиларни доимий яшаш жойларига қайтариш бўйича техник соҳа транспорт воситалари ҳамда кузатув автомашиналари ажратиш.</p>	<p>бўлими, Меҳнат бошқармаси, вилоят ИИБ ЎХХБ, шаҳар, туманлар ҳокимлари</p>	
12.	<p>Тантанали кузатиш тадбирлари давомида вилоят йиғин пункти ҳамда кузатиш пунктида жамоат тартибини сақлаш чораларини кўриш.</p>	<p>Вилоят Ички ишлар бошқармаси</p>	<p>Белгиланган муддатда график асосида</p>
13.	<p>Чақирилувчиларни ҳарбий қисмларга кузатиш учун техник жихатдан соҳа бўлган автобуслар ажратиш. Автобусларни кузатиб бориш учун ҳаракат хавфсизлиги ҳамда тез ёрдам автомашиналари ва ходимларини ажратиш.</p>	<p>Шаҳар ва туманлар ҳокимликлари, "Ўзавтодарётранс" агентлиги вилоят бўлими, ИИБ ЎХХБ, ССБ</p>	<p>Белгиланган муддатда график асосида</p>
14.	<p>Чақирилувчиларни муддатли ҳарбий хизматга кузатиш бўйича тантанали митинг ташкил этиш, шунингдек Қуролли Кучлар сафидан резервга бўшатишган ҳарбий хизматчиларни кутиб олиш тадбирларини оммавий ахборот воситалари орқали кенг ёритиб бориш.</p>	<p>Вилоят оммавий ахборот воситалари</p>	<p>Белгиланган муддатда график асосида</p>
15.	<p>Чақирилувчиларни муддатли ҳарбий хизматга кузатиш ва Қуролли Кучлар сафидан резервга бўшатишган ҳарбий хизматчиларни кутиб олиш ишлари ҳақида ҳар бир тадбирлар ўтган куни вилоят ҳокимлигига ахборот бериб бориш.</p>	<p>Вилоят мудофаа ишлари бошқармаси</p>	<p>Тадбирлар бажарилган кун якунига кўра</p>